



昆陽州志卷之二

署知州博白朱慶椿纂輯

天文志

星野

古者以星土辨九州之地故所封封域皆有分星以觀妖祥而蘇平仲以爲不足據西法亦主此論然四星聚牛女而晉元王吳聚觜參而齊祖王魏似亦不容固執焉滇處南服古稱梁州星分井鬼前人考覈最精昆陽近距省城躔度當無大異謹從之志星野

井鬼躔度考

東井八星與鬼四星南方朱鳥七宿之首與目也按古  
曆法井宿赤道三十三度三十一分黃道三十一度  
三分鬼宿赤道二度二十分黃道二度二十一分

本朝曆度井宿三十一度鬼宿五度皆屬未宮漢天文志  
起井十六度唐志起井十二度晉志與費直皆同唐  
志蔡邕起井十度明起井九度一十八分四十一抄  
本朝起井初度蓋赤道分天之中亘古不易黃道爲日月  
五星之常道不能不因歲差而變易也論分野者惟

以赤道爲準井鬼之星於分爲秦於野爲雍梁二州  
爲巨蠓宮爲鶉首末宮井宿則雨水昏中鬼宿則春  
分昏中

附錄井宿步天歌

井 八星近列河中靜一星名鉞井邊安兩河各三南  
北正天罇三星井上頭罇上橫列五諸侯侯上北河  
西積水欲覓積薪東畔是鉞下四星名水府水府東  
邊四星序四瀆橫列南河裏南河下頭是軍市軍市  
團圓十三星中有一個野雞精孫子丈人市下列各

立兩星從東說闕邱兩個南河東邱下一狼光蒙茸  
左畔九個彎弧弓一矢擬射頑狼胷有個老人南極  
中春秋出入壽無窮

附錄鬼宿步天歌

鬼四星冊方似木櫃中央白者積尸氣鬼上四星是  
耀星天狗七星鬼下是外厨六間柳下次天社六個  
弧東倚社東一星是天記

# 氣候

滇地較各省爲高日之出入皆在卯酉比京師每遲一刻按歷可知其候溫和四時無大寒暑迤東則雲澂二府近月令五氣之中位宜在西南滇處西南於後天卦位爲坤得土中氣故氣候異於他省昆陽屬雲南在滇池西南澂江之西春微暖秋微涼夏無溽暑冬無嚴寒雖盛暑極熱遇雨輒涼嚴霜密雪霽卽溫暖三泊裁歸本州氣候相似惟內甸依山遠海夏秋較熱

大興縣志

康熙三十四年編本州志時因城內舊志已廢

無從採輯經縣志局詳請前撫臣趙爾巽奏准

大興縣志由西直門外之國子監刻印

其書中凡有缺字者均用紅筆圈出

其書中凡有缺字者均用紅筆圈出

其書中凡有缺字者均用紅筆圈出

其書中凡有缺字者均用紅筆圈出

其書中凡有缺字者均用紅筆圈出

祥異

王者不矜符瑞務修其德而已然河圖洛書景星慶雲休嘉亦詳於上世知天人感召之機實有不容遏抑者昆陽地雖褊小自隸版圖以來休徵咎徵昭然可指用倣春秋之例志祥異

明

正德七年壬申滇池水大泛濫渰至州治居民房屋蕩析者百餘家男婦溺死者五六十人撐舟入市前所未聞

嘉靖三十七年戊午本州致仕教授任越家有蠶生  
子布成不仁水火拜告天地八字甚端楷可觀次日  
又布成一州之大可不慎之八字州民設醮祈禳事  
聞總府取閱

隆慶元年丁卯本州民田產嘉禾一莖三四穗者四  
十餘本五穗者二百餘本載通志

萬歷八年庚辰本州貢生李實田稻有一莖四穗五  
穗者

十一年癸未本州鄉官徐徽言家田稻有一莖四穗

五穗者

三十二年甲辰舊三泊縣民任汝學家田稻有一莖  
兩穗至四五穗者次年如之建嘉禾坊

崇禎三年庚午八月原任平越通判楊士芳有黃桂  
一株忽開丹桂一枝色如硃砂州守紳士詣家相賀  
以爲和氣所致云

乙亥年五月流寇掠船殺戮州人千餘六月仍率衆  
燬州城及附近村屯房屋片瓦無存別手劓鼻慘刻  
非常尋饑饉病疫死者八九

國朝

順治十四年丁酉生員王述旦田穀雙穗無數書室  
中有竹五竿長二尺餘枝葉旋結如盤復抽百餘筭  
又尺餘旋結三小盤復抽千餘筭人以爲和氣所致  
康熙三十一年壬申二月十八日城隍廟災祠宇神  
像盡燬

三十五年丙子八月初二日大雷雨沒禾稼水溢入  
城魚遊於市

四十六年丁亥六月霪雨至八月壞民居禾稻無數

四十七年戊子河西鄉產嘉禾四穗三穗者二十餘  
本雙穗者無數

四十九年庚寅十二月初七日颶風覆舟於八仙灣  
死州民男婦三十餘人及遠近貿易數十人吏目陳  
法綸督水手打撈沈尸各瘞事聞於省撫軍吳公存  
禮發銀二十兩分賑

五十一年壬辰四月初八日大雨雹深尺餘壞秧種  
傷牛羊畜類無算

五十二年癸巳二月初二日地大震至十六日復震

是歲瘟疫流行米值騰貴總制郭公璫撫軍吳公存

禮會題賑濟

時尋甸州城郭官署民居傾圮殆盡覆死民兵約二千餘人

五十五年丙申正月元日卯刻五色雲見於東方移時乃散至初十日立春復見

雍正五年丁未田產嘉禾具文詳報

六年戊申十月慶雲見於雲南四郡歷見三時疊見

三日

八年修濬海口白龍兩見具

題勒石

九年春秋旱夏潦

十年州西南方星隕如雨

乾隆元年五色雲見

三年大有年

五年七月甘露降

十三年大水

十四年有秋

二十九年昆池水涸

三十九年大水

四十九年三月大雷

六十年旱

嘉慶元年彩雲見

十三年大旱

十七年有年

十八年穀生雙穗

二十年六月雨雹

二十一年饑

二十四年五色雲見

道光元年慶雲見

三年歲豐

七年大風有時歿

九年雨雹豺狗傷人城廂村屯孩童多被攫食

十一年彩雲見於昆池

十三年七月地震居房屋閒有損傷嵩明宜良晉寧

等州縣報災督憲伊奏請賑恤

十六年大水昆池泛溢

各大憲因檄四州縣修挖海口事竣入奏

十九年昆水暴長由嵩明州冷水洞湧出平地深及

丈餘洶洶白浪若有物搏擊其中歷昆明松花壩等處匯盤龍江入海水頃刻暴長咸以爲蛟患云

昆陽州志卷之二

終